

Na osnovu člana 4.2. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02 i 13/03), Državna regulatorna komisija za električnu energiju, na sjednici održanoj 7. decembra 2006. godine, donijela je

## **PRAVILA O PRISTUPU TREĆE STRANE NA PRIJENOSNI SISTEM**

### **Član 1.**

Ovim pravilima uređuje se pristup treće strane na elektroenergetski prijenosni sistem Bosne i Hercegovine (u daljem tekstu: prijenosni sistem).

### **Član 2.**

Pravo pristupa prijenosnom sistemu imaju svi licencirani subjekti za proizvodnju, distribuciju, snabdijevanje, trgovinu i kupci električne energije.

### **Član 3.**

Termini koji se koriste u ovim pravilima imaju značenja određena zakonom i pravilima Državne regulatorne komisije za električnu energiju (u daljem tekstu: DERK).

### **Član 4.**

DERK u okviru svojih nadležnosti i ovlaštenja, obezbjeđuje uspostavljanje, praćenje i provođenje pravila vezanih za fer i nediskriminirajući pristup trećih strana prijenosnom sistemu kao i nediskriminatorско ponašanje prema korisnicima ili klasama korisnika sistema.

### **Član 5.**

Pravilima iz prethodnog člana, DERK će svima koji imaju pravo pristupa, omogućiti pristup prijenosnom sistemu tako što će osigurati:

- a) ravnopravan pristup prijenosnom sistemu,
- b) poštivanje važećih tarifa,
- c) poštivanje odredaba koje se odnose na tehničke standarde, tržišna pravila i mrežni kodeks,
- d) planiranje proširenja sistema da bi se zadovoljile potrebe kupaca,
- e) standarde kvaliteta za snabdijevanje električnom energijom, održavanje frekvencije i regulaciju napona i smanjenje prekida usluga.

### **Član 6.**

Lica koja imaju pravo pristupa prijenosnom sistemu podnose pisani zahtjev subjektu licenciranom za odobravanje pristupa prijenosnom sistemu u skladu sa pravilima, koja omogućavaju ravnopravan pristup elektroprijenosnoj mreži svim korisnicima prijenosnog sistema, odobrenim od strane DERK-a.

### **Član 7.**

Prava i obaveze "Elektroprijenos BiH", "Nezavisnog operatora sistema u BiH" i lica koja imaju pravo pristupa prijenosnom sistemu regulišu se ugovorom.

### **Član 8.**

Pristup treće strane na prijenosni sistem i pored ispunjavanja uvjeta iz člana 5. ovih pravila može biti odbijen, u slučaju nedostatka prijenosnih kapaciteta, s tim da se za takvo odbijanje moraju dati obrazloženi razlozi.

Protiv odluke kojom se odbija pristup na prijenosni sistem zainteresirana strana može uputiti podnesak DERK-u u skladu sa Pravilnikom o javnim raspravama ("Službeni glasnik BiH", broj 38/05).

### **Član 9.**

U skladu sa svojim ovlaštenjima DERK će izricati odgovarajuće mjere vlasniku licence koji nezakonito odbije pristup treće strane na prijenosni sistem.

### **Član 10.**

Pristup treće strane na prijenosni sistem vrši se na objektivnan i nediskriminirajući način i zasniva se na objavljenim tarifama.

### **Član 11.**

Pravo pristupa treće strane na prijenosni sistem, kao ključnu komponentu evropskih direktiva i pravila o unutrašnjem tržištu električne energije, pored zakona regulišu i metodologija za izradu tarifa, uvjeti licenci za rad Elektroprijenosa BiH i NOS-a BiH, tržišna pravila, mrežni kodeks i obim, uvjeti i vremenski raspored otvaranja tržišta električne energije u Bosni i Hercegovini.

DERK prati ostvarivanje prava svih učesnika na tržištu u pristupu prijenosnom sistemu u skladu sa dokumentima iz prethodnog stava.

### **Član 12.**

Ova pravila stupaju na snagu osmog dana od dana objave u "Službenom glasniku BiH".

Broj: 04-28-359/06

7. decembra 2006. godine

Tuzla

Predsjedavajući Komisije

mr Vladimir DOKIĆ